



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1514. usque ad annum 1520

Fleury, Claude

August. Vind. [u.a.], 1769

VD18 90118464

§. 42. Caroli V. lex de suprema Regnorum Hispaniæ auctoritate

[urn:nbn:de:hbz:466:1-66414](https://nbn-resolving.org/urn:nbn:de:hbz:466:1-66414)

§. XLII.

Sæcul. XVI.
A.C. 1519.*Caroli lex de suprema regnorum Hispaniæ auctoritate.*

Carolus jam de fortuna sibi undique adspirante securus, iter aggredi parabat, cum vero pertimesceret, ne ab Hispanis alienæ, præsertim superioris auctoritatis impatientibus crederetur, quod ipse ad Cæsareos apices erectus Hispaniæ gloriam deprimere, novamque imperio excellentiam tribuere velit: hinc Carolus priusquam in Germaniam proficisceretur, legem promulgabat, qua Castellæ atque Arragoniæ Regna summa potiri potestate, nullo pacto ab imperio dependere declaravit. Præterea Hispanorum ambitioni (*) plenius satisfacere intentus, Castellæ atque Arragoniæ Regem, pari jure cum Franciæ ac Angliæ Regibus, *Majestatis* titulo imposterum honorandum esse, nova Lege sancivit; quamvis avito Castellanorum usu eorum Reges non nisi *Serenissimi* Principes appellarentur. Id Hispanorum genio pergratum accidit. Insuper supremum rei veredariæ Magistrum nominavit, illoque munere

(*) Modestius de integra tamque celebri Natione loqui, prudentem Historicum deceret.

Sæcul. XVI. A.C. 1519. munere sat amplo Comitem de Villa de Miano ex illustrissima Familia de Taxis oriundum auxit, in eumque hoc officium hæreditario jure transfudit, eo consilio, ut potentissima hæc domus Hispanos in Regis absentis obsequio firmiter contineret. Eodem ex sine Procerum quam plurimos velleris aurei Equites creavit, atque inter eos Austuricæ Marchionem, Viziniani Principem, Cardonnæ Ducem, & Fridericam Henriquez Castellanæ classis Præfectum, præter alios nonnullos hoc honore auxit.

§. XLIII.

Antonii Bohieri Cardinalis obitus.

*Gui Breton-
neau hist. de
la Maison de
Briconet.
Jean. Chenu
hist. archiep.
Bituric.
Aubery hist.
des Cardi-
naux
Gaguin. l. II* **H**oc anno Sacrum Purpuratorum Collegium quatuor Cardinalium jacturam plauxit; hos inter primus erat Antonius Bohierus Bituricensis Archiepiscopus. Is primam lucem aspexit Issiodori in Alvernia ac filius fuit Austremontii Baronis de Saint-Cierque, & Annæ de Prato, quæ Cardinalis Antonii de Prato Franciæ Cancellarii amita erat. Primis adolescentiæ suæ annis Ordinem S. Benedicti in Abbatia Fescani in Normannia professus, ibidem, nec non Rothomagi ad S. Ovanum Abbas evasit; referunt nonnulli, illum quoque Cancellarium,